

告白

店原日係鄧福堂李福華蕭今榮梁中等合做今因生意不前各圖別業願將舖底貨物全盤退交與吳禱吳壽林義德堂吳義和堂等承接即日開張仍用福榮字號加添合記二字所有各號欠到福榮賬目等并欠到各行賬目舖租等統歸福榮合記收支理禁日後生意盈虧一概與舊人梁申等無涉特此佈告以免後論

光緒十年 五月

初三日 福榮合記吳禱等啟



奴才崇志謹 奏爲特參胆大妄爲侵吞俸餉之劣員請旨重懲恭摺奏聞仰祈 聖鑒事竊奴才等前據涼州副都統任涼州副都統奴才瑞雲奏請由四川西征協餉創撥涼莊兩滿城三成兵餉暫顧大局當蒙 聖恩允准光緒三年自奴才蒞任後莊涼兩城各官困苦異常四年二月二十七日奴才奏請仍由四川西征協餉創撥加餉二成共五成六月十四日奉 旨允准各在案涼州共官兵一千六百三十二員名原額未動莊浪僅存官兵二百七十四員名原額未符涼州副都統莊浪城守尉不在各官兵人數之內涼莊兩城各官兵按五成俸餉涼州每月五千九百兩莊浪每月一千一百兩涼莊兩城每月共銀七千兩查涼州副都統莊浪城守尉或由 京城或別省來甘路途遙遠日用浩煩自同治年間前任涼州副都統奴才瑞雲額爾慶額前任莊浪城守尉奴才增壽廉俸馬乾按十成關領光緒三年奴才到任後亦按舊章關領十成廉餉每年除減平外實關銀一千二百餘兩莊浪城守尉廉俸馬乾亦按十成支放每年除減平外實關銀五百八十六兩有餘此項銀兩遇有川餉到涼由大餉之內劃撥按四季關領查例載莊浪城守尉歸涼州副都統統轄遇有放餉莊浪城守尉例應呈

惠州協左營都司楊金申調省差委選缺委現署化石營都司高州鎮右營都司蔣大觀調署其蔣大觀所遺化石營都司事務委留學儘先總將余雄飛署 新任選憲端大人定初八日卯時在鹽務公所接印○五月初六日 督撫憲轅報 補用府胡傳釗稟謝委辦營務處差南海縣危稟知初七日赴貢院五覆文章試施放號炮番禺縣侯稟知初七日在署內五覆文章試補用同知沈宗濟稟辭回梧局試用縣盧蔚猷稟知代番禺下鄉相驗候補府葉稟謝委保甲局坐辦補用府胡稟謝委辦營務處差卸茂名縣余洵礪稟知正欵無虧後任具結試用縣周福昌稟到由白沙緝私廠回奉委督辦蘆苞緝私○初七日 督撫憲轅報 候補府鄒景山由惠州稔山公幹回候補同知增亮稟知由高州查案回候補巡檢夏德順稟銷解京餉差候補通判張國貞稟辭往新安公幹補用州舒寬迪稟知委往東莞增城公幹澄邁縣陳瀛藻稟到卸事回奉調來省察看候補縣周殿炳稟謝委赴江蘇等省採買穀石簡用府司獄文從周稟知解軍火往梧州回○五月初五日 督憲武弁轅報 記名

命案披露 聞未幾內赴粵里間有一命案之疑點。其因奸謀殺以之詢問亦不承認。惟屍身曾經相驗。果因械傷要害。以致致命。現聞上憲欲將此案交廣府臬局委員提審。以期水落石出。烏至前錄初五日稅館口因賭鎗斃人命一案。初六日經南邑委員相驗。至初七日屍親始行驗殯。然已臭穢不堪。過者掩鼻矣。聞死者乃東莞鄧姓。而兇手亦東莞人。乃黃姓也。其已弋獲否。則尚未悉也。○爭渡上控 聞往來陳村香港渡船向經開擺積有貲財。現有某甲志圖奪利。欲出貨承充。因而互控。昨有渡夫羅福興赴廣州府轉呈新蕭太尊批云。查該渡夫等原承由香港往陳村渡隻。係由新安縣詳允。現在吳材勝等添設渡船。即使果有私擺攤餉情弊。亦應赴新安縣稟究。乃計不出此。輒赴順德縣控告。有心岐訟。已見端倪。況該渡夫前控何永和等各渡串承。攪擺經餉。據新安縣查明。香港與陳村均係開熱埠頭。必須添設渡船。以資利濟。稟奉批行核明。准將控案註銷。並給帖何永和收執。開擺在案。現復以吳材勝等重期賺累等情來府。越瀆其為積慣。把持壟斷。更可概見矣。着即赴新安縣呈明。聽候核辦。斷結批行順德縣就近扣留一節。碍難准行。此飭粘抄保領。並發

欽使行踪 倫敦報謂西歷五月初一日中國欽使曾侯爵昨由富基士頓城直抵龍城擬由是城取道以赴法都巴黎士聞欽使因奉有諭旨回京故先到法廷告別而後履和同中國云○厘稅未定 倫敦報謂中國鴉片烟土入口稅餉前日英廷已移咨中朝商酌其事想必候中朝回覆然後乃定奪施行也○欽使赴法 中國駐德奧意諸國之欽使李君丹崖現經中朝調往法國以署理曾侯爵之缺曾侯爵李君到後或即卸任回中國矣聞李君丹崖已於西歷五月初一日偕西人參贊新理治及隨從人員由德都伯靈城起程取道赴法都矣○還使赴美 倫敦報謂暹羅國駐英美兩國公使於西歷四月二十六日由英國李華堡路城附搭輪船前往美國意欲駐紮兩月與美廷商立販賣火酒章程以期早日妥協聞所擬之章程甚為平允與歐洲各國所立者無異焉○馬輔近聞 西歷五月初八日印度禪刺處遞到信息云俄人之佔據馬輔一地有目擊其事者謂於西歷三月時有兩俄官督兵到馬輔處欲先示兵威以恐嚇人民後悉民無叛心又飾以仁義之言以說服紳耆使之投降紳耆懾於勢而誤信其言遂偕俄官赴亞士嘉強處惟有數士會自恃險要負固不服以為土地一旦與人何辱如之遂與兵抗拒俄官聞此信息即於三月初一日由士嘉強處統率大軍回馬輔將到之時先命人着土人供給水漿土會巴巴根及加植根聞知出示禁止不准供給俄兵倘有違例定奪殺其駱駝以示罰三月初十日俄員亞力漢那督步兵及馬兵一百名行抵馬輔近地嘉強土會遂聚集部下與俄兵戰俄兵不戰而退是晚嘉強土會復進攻俄營亦不勝而退至十一日土人紳耆盡背土會降俄復護押俄兵入境其時俄兵統計有二千之多遂在馬輔城附近駐營巴巴會長知人心已去獨力難支不得已亦赴俄營請成爲惟嘉強酋長不肯俯首降心猶思奮力前驅以背城一戰一十二復集土人八千有奇進攻俄營俄官出兵四百拒之土人遂巡而不敢進四散逃匿嘉強敗走而馬輔城遂爲俄有也倘所謂以力服人者非耶

心焉○輪船沈溺 西歷五月初八日倫敦電音言昨有士的柯輔富羅利多輪船駛至中途偶爾不慎適與帆船相撞登時沈溺計船中舵工及搭客共有一百六十九人皆問諸水濱聞是時從波中逃出慶獲生還者祇有十四人其餘則盡與賊巨爲伍矣慘何如也至帆船有無損傷則不得而知焉○機器損壞 前錄日本火船行至中途遭機器損壞一事茲聞新嘉坡接到庇能初六日電音謂是船已乘風回庇能幸獲平安惟俟修葺完竣然後往別埠云○朝鮮近聞 上海馬孺利報謂在朝鮮探訪人來信云邇來拖船載運貨物來往仁川埠及燕臺者日增月盛故近日仁川生意日有起色也昨當南盛大船啟行之時尚有日本帆船三艘並大拖船數艘在仁川港口灣泊今又有日本尼仙根戰船在附近仁川停泊蓋輪船雲集商賈偕來固極一時之盛也但苦於港口水淺輪船不便往來聞有人擬用機器將其挖深俾令船艘出入自如又擬建通衢以達朝鮮但未悉何時舉行耳來信又云現下是處商務初興工作尙少木工鞋匠及裁縫三項尤爲今時所罕見云

舊金山來札 敬啟者順直等省水災本埠所捐銀數迭經佈告收於三月十四日一省賑事收捐之果自於三月十四日捐共收到美國實銀四萬九千六百五十六圓一角荷蒙各善士急公効義樂善好施襄助鉅款爲金山向來所未有本署實不勝感謝之至除俟俟各捐戶姓名銀數彙刻成冊再行分派外現已停捐先此佈謝 光緒十年三月十六日 舊金山總領事署啟○橫濱近錄 橫濱信息云日官新近建一稅廠在橫濱以權貨物其建造工匠材料業經大加施馬承攬核需經費銀七萬八千九百圓擬於下月即鳩工庀材從事於土木矣信息又云二邇來附近橫濱諸省迭遭火災聞思芝堅租處於四月二十五日有某店失慎致焚如遭池魚之殃者共有五百四十九戶是時拯救被傷焦頭爛額爲災計屋宇之付諸一炬頗成焦土者共有五十八棟其中有三棟乃官署云吁火災屢警聞者莫不傷心而況身受其殃者其慘尙堪設想耶○賠銀續錄 西信申報謂前報中法議和時除簡明條約五款外有法人賠還招商局銀六十萬之說特語焉未詳不敢據爲的信乃昨據傳稱此說實確緣西信之招商分局先由法文員偕伴公館時經招商局會與言明文員暫駐其門察等或無損壞敵後有兵馬駐劄難保屋宇無損故講明須銀若干未交銀以前並起一分利息順化城內招商局亦有房屋一所並普濟船及米若干石均經立有合同本息照算算至去冬應由法國還招商局本利銀十



**火船往汕頭厦門福州**

啟者本行有火船壹隻名廣東準期五月十壹日正午開行前往汕頭厦門及福州等埠如貴客欲附貨搭船者請至本行面議  
光緒十年五月初八日  
德忌厘士謹啟

**火船往新金山等埠**

啟者本行有火船壹隻名海口準期於五月廿五日開行前往新金山等埠貴客欲附貨搭船者請至本行面議  
五月初十日  
太古洋行謹啟

**火船往上海**

啟者本局有火船壹隻名拱北準期於本月十三日下午開行前往上海燕壘牛庄天津等處貴客欲附貨搭船者請至本局面議  
光緒十年五月初十日  
輪船招商局謹啟

**火船往海防**

啟者本行有火船一隻名地利金準本月初十日落貨至十三日開行前往海口海防等埠如貴客欲附貨搭船者請至本行面議  
五月初八日  
利榮公司謹啟

**火船往庇哩運**

啟者本行有火船壹隻名刺租准於五月十八日開行前往新金山砂朥越峇當庇哩士濱雪梨與利畔等埠如貴客欲附貨搭船者請至本行面議  
四月三十日  
切行公司謹啟

**火船往汕頭厦門福州**

啟者本行有火船壹隻名廣東準期五月十壹日正午開行前往汕頭厦門及福州等埠如貴客欲附貨搭船者請至本行面議  
光緒十年五月初八日  
德忌厘士謹啟

船隻雙名汕頭  
改於五月十二  
日開行前往天  
津埠如 貴客  
欲附貨搭船者  
請至本行面議  
甲申年 閏五  
月 初六日  
太古洋行謹啟

往海防會安新洲  
啟者本行奉  
壹隻名健連年准  
期於五月十五日  
落貨至十七日下  
午開行前往海防  
會安廣義新州  
貴客附貨搭船者  
請至本行面議  
四月三十日  
永怡興公司謹啟

易現銀一概往來從無賒欠揭  
借等事如有局中夥伴以本局  
圖章在外賒借者概與本局無  
涉如各店舖情願與局中夥伴  
交易亦與本局無干惟不得任  
用本局名號賒揭及担保特此  
通知以免後論

光緒十年 三 月 初一日

中華印務總局循環日報館啟

招人接建貨倉  
煤氣公司右鄰原日船澳  
之地壹段今欲建貨倉壹  
所長三百餘尺闊壹百餘  
尺招人承造如欲知其詳  
細者請至大鐘樓海邊本  
公司寫字樓看式便知此  
佈  
光緒十年 五月初九日  
考核公司謹啟

少船往汕頭上海  
 壹隻名富順準期  
 於本月十壹日正  
 午開行前往汕頭  
 上海埠如  
 貴客欲附貨搭船  
 者請至本局面議  
 光緒十年 五月初十日  
 輪船招商局謹啟

燕梳保險公司  
燕梳保險公司現  
託勿者士洋行在  
港承保華商火  
燭貨物等件保無  
意外之虞諸君  
光顧請移玉至本  
行面議此佈  
甲申年四月廿九  
勿者士洋行謹啟

告  
 做澳門水坑尾粵和昌機  
 汽纜絲廠生理經已歇業  
 茲先爲佈告期限五月廿  
 五日將該廠機汽架生物  
 業屋宇等一應出投夜洽  
 以價高者得至期如欲投  
 者蚤臨是荷  
 光緒十年 四月廿五日  
 澳門粵和昌字啟

存 感 德

女搭客一人猝於途中病故蒙船主則臣大副專亞尼士醫生亞德嘑士買辦張雨田督飭工役人等小心協力殯殮於棺載回香港初七日九點鐘昇交東華醫院以便屍親領歸安葬竊思附航遠涉舉目無親慘遭大故非得船主諸君惻隱存心又得工役人等殷勤盡力妥爲棺殮不避艱辛安能令死者骨返故鄉不致魂飄異域同船搭客見此盛德莫不同聲稱頌正不獨此四人感激於泉下將失啣結之報也某等目擊其事難沒其美故備述之以識不忘云爾

晏稽些士輪船搭客公啟

新到上海申報館各種新書  
無所不備如蒙賜顧者  
奉請早移玉趾  
癸未年七月十四日  
本局謹啟

英國  
屈臣氏  
洋煙  
精粉  
發售

此煙雖斷癮而難保無虞等語則大負本局立心  
與中國除害之意況且服此不獨斷癮兼可令人  
健飯身體日壯請看以下春君緝熙辨惑論與抄繹  
中外西報自富丁然幸勿爲浮言所阻致誤有志戒  
煙者之大機會也於本局實爲厚望焉 每包銀七毫

德固不敢忘諱尤不敢諱也憶僕以煙霞癖癯失足英年日月還流羈身廿載自戊寅歲春夏之間忽悟迷機苦脫籠而無術思登彼岸縱呼楫以何能不意買棹驚江旋識風君之面竟爾將航渡世務期仲已之忱遂惠我以靈丹起沉痾於反掌固已恩慙額頌藉日報以揚名澤本肌膚異風聞而紀實矣乃者人言伐異衆論黨同謂丹竈功高縱挽沉淪於一旦恐黃泉路近空悲拜賜於三年僕爾時聞語心驚撫躬色變既將疑而將信詎不懼而不憂無何三易炎涼駒光屢過而幾經霜暑馬齒仍增轉覺體健身強不必向青囊而藥乞神清氣則無虞當白晝而魔纏東坡老今又重來諸葛君依然不死在人則幾疑再世在僕則實戴二天則所謂舊蘊復萌移花易萼園木未落而石已出瓦甓解而冰旋消者也僕有意共渡迷津不惜殷勤剖白願同人早離苦海無妨亟切垂青將救難除災覺濟世尚多寶筏俾醉生夢死知隨時可放屠刀則僕今日之言固以誌一己之歡亦以造斯大之國豈特爲屬君解嘲破曉而已哉

字新報繹出據稱英國駐川領事巴公名嘉者由四川重慶寄信來云  
曾及鴉片久爲中國患他常疑無藥物可戒不料於公餘遊歷至郡境左  
近之志和營見有操舟人久染烟癖欲戒無由屢屢中國戒烟丸散雖覺  
小效而引絀難斷且因戒烟之故致染沉痾幾罹不起無何而本局戒烟  
精粉至川該舟人聞此洋藥善能戒烟得未曾有又以其名與白礪紛及  
各款藥粉不同其功用自異遂購而服之不旬日老癮戒斷巴公目擊其  
事不禁深心歎服本局精粉爲獨出神奇故郵寄此信託新報館錄入俾  
爲華民之染烟患者告云審是則精粉戒烟奇效不獨中國官商見實今  
又爲外國遠官所嘉可知並無僞飾凡有志戒烟者請勿懷疑觀望可也



